

5. september 2025

UKA 2025/130

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara:

Pujortartarnek nunatsinni peqqissutsimut annertuumik sunniutipiloqartaqisoq qanoq annikillisarnerusinnaanera pillugu apeqquteqaat aallaavigalugu siunnersuut

(Inatsisartunut ilaasortaq Aqqalu C. Jerimiassen, Atassut)

Pujortarnermik inerteqquteqarneq pillugu Inatsisartut inatsisaat nr. 15, 26. maaji 2010-imeersumi taamanikkut annertuumik sukaterisoqarpoq pujortartarnek akiorniarlugu.

Maannakkullu nalimmassaaqqinnissamut inatsisartuusugut eqqartueqqittariaqalerpugut.

2023-imimi Naatsorsueqqissaartarfik qimerluaalaaanni takuneqarsinnaavoq, nunatsinni 15-ileereersimasut agguaatigiisikkaanni ullormut tallimat pujortarnekartartut, ukiunilu qulini kingullerni nikittoqangaarsimanngitsoq.

Akitsorteriuaraluarnek tupanik imusivissartaanillu kaasarfimmiumik immaqa annikillisitsiinnarpoq, taannalu ilumut periuseq iluatsissimanersoq apeqqusertariaqalerluni.

Nutaanerusumik qanoq iliorsinnaavugut tamanna mumiganut saatinniarlugu?

Qiviangassaaqqissoq unaagunarpog, nunani avannarlerni kisiartanngorunarpugut tupanik suli ersittumi pisisinnaalluta, cigarettillu puui suli ussasaarerpalaartumik isikkoqartut.

Akitsorteriuarnek sunniuteqarsimanngitsoq taarserneqarsinnaanissaa
eqqarsaatigisariaqalinnginnerpa pisiassat ussasaarutigeqqusaajunnaarneranut
nuisatikkunnaarneranullu?

Killilersuineq annertusanngikkaluarlugu nioqqutilli pisiariuminaallisiallanneratigut
qularnanngitsumik pujortarnerujussuup milliartulersinnaanissaanik kinguneqarsinnaassaaq.

Aajunassarlu qiviartariaqavissugarput, uagut inersimasuusugut meerartatsinnut
malingassiuusariaqarpugut, ajornaqaarmi oqaluutiinnarsinnaanngilagut meerartagut pujortarnek
ulorianartuusog pujortartalissanngitsullu illuni tupa tigullugu.

Inatsisartuni ilaasortat maanna maani inersuarmiittut marluupput malisungaannarlutik ukiorpanni
pujortareerlutik unitsitsinikuusimasut ullormiit ullormut, piumassuseqavittariaqarporlu tamanna
angussagaanni, taamaattumik pujortarunnaarsimasorpasuit qanoq iliorsimanerinek ilinniarfingalugit
sunalu aqqutingalugu pujortarunnaarsinnaasimanerinek isumassarsiorfingalugit.

Isummassi tusarnissai qilanaaralugit, angusaqarfiusumillu oqallinnissaq neriuutingalugu.

Oqallilluarisi.